

近代中國史料叢刊第三十五輯
沈雲龍主編

寶 韋 齋 類 稿
李 桓 著

文海出版社印行

新都周雲章松仙

歸安任嘉培竹賢助刊

衡山陳鍾英槐庭

寶韋齋類稿

光緒庚辰武林趙寶墨齋開雕

奏疏四卷

Wt200/07

官書二十四卷

尺牘四十八卷

甲癸夢痕記六卷

詩錄副出

文錄副出

寶韋齋類稿題辭

大箸謹一一拜讀於尺牘見公調和羣帥維持危局之苦心於
夢痕記見公進禮退義壁立千仞之定力前史極贊姚文獻才
知一時無兩僕於我公亦云奏疏以撫江無幾時未盡所蘊官
書綜核名實允爲救時良規惟釐金立濶太詳後人不善師之
慮如荆公之用官禮狂愚之論質之我公知不罪其僭妄丙子
嘉平旣望年小弟楊任光拜讀謹識

--	--	--	--	--	--	--	--	--	--

寶章齋真稿奏疏官書尺牘總序

湘陰李黼堂先生當咸豐乙卯丙辰以觀察蒞官江右值賊蹤蹂躪郡邑淪胥幾大半勢岌岌不可終日先生綜理諸務神明獨運發蹤指使諸將皆樂爲用迨列郡肅清瘡痍待撫而蘇杭迭陷鄰警日偪曾左二帥分道督師資糧屏屢皆於江右取給先生微地漕減浮收罷捐輸推釐稅寓休養生息於征繕中民忘其困 朝廷重先生能擢藩垣攝封疆望日隆任日重矣時議大舉規復蘇杭先生建白中朝上書制府謂宜三省合力以湖南北江西財賦供軍儲俾無虞飢潰然後節節進取而三省餉源之地亦藉以固厥藩籬其後東南底定大功告成悉如所

策非全局在胸謀定後動者乎十年來方事之殷軍書旁午事
機百變眾皆睜眦咋舌莫知措手先生一身擔拄其間事無鉅
細輒猝應立辦飛書草檄疾如風雨筆之所到無不曲折中其
事情若有神助夫鄭國爲命必經四賢之手而成良以文之得
失事之成敗係焉蓋其慎也先生文不加點一日百函而懸之
國門一字不能增損惟其才優於事故處紛紜轉轄之會恢恢
乎游刃有餘昔武鄉侯隆中之對視天下大勢瞭如指掌年才
二十有八先生蒞官之年亦僅二十有九耳而隨機應變算無
遺策若素豫者然蓋其天稟獨高究心當世之務幼侍 文恭
公宦轍習聞庭訓淵源於家學者深當

顯廟召對時垂詢所學默契 宸心駸駸大用先生感激馳驅
殫誠報 國有不愧古大臣之風者讀其文知其政如身在局
中目覩運籌帷幄時也夫窺豹一斑猶深驚歎况哀然鉅編增
人神智有不汗流浹籍俯首至地者哉雖然此特其緒餘耳先
生之學無所不宜是編固未足以盡之光緒戊寅六月高要馮
譽聰撰

--	--	--	--	--	--	--	--	--	--

寶章齋類稿

奏

疏

寶章齋類稿奏疏自序

奏疏僅五十餘通曷爲存志感也志愧也 先文恭公督師粵

西卒

文宗以歿於王事飾終典禮優渥殊等桓諸生耳叨任子

大恩先敘知府旋擢道員更蒙

召見養心殿東室詢家世及所學移四刻許時粵逆踞江南蔓

延高唐連鎮軍報絡繹

上宵衣旰食自政府大臣外以草茅小臣幸邀獨對者舉朝指

桓爲僅見未三月揀發江右未帀歲

簡授糧儲中間署關道兩司膺卓薦羽保疊荷

丹臺記注不再詢考

今上登極卽超晉藩垣並權撫篆逾年有

旨派赴陝南督剿蓋職吏事久復練以軍事

上之期於桓者至深至厚顧竊自念服官九年舉江右官常兵
律金穀名法諸大政迴旋綜理而時局艱危寇氛往復事理叢
脞補救無功積咎之身方當自効

上不以褫帶懲之且以

臨軒遣之其所以矜寵者何若耶當陝南

命下也桓銷假回任甫浹日沈幼丹中丞慮病問之難遠行也
代者之難其人也將疏留桓瞿然陳三不可之說受

君恩無擇事不可留一起寒微著戰績者多矣桓世臣也焉敢
後不可留二
朝命至重且

上在冲齡稍遲回人其謂桓何且謂公何不可留三蓋誠念已
往之譽尤不可復追異時之經營猶可自策絕不意中途顛頓
遽患偏癱微特兵柄必當請辭卽原官亦宜解任也且自軍興
以來凡統兵大員陳疾咸奉

旨給假顧在營在途就地醫治師律迄無以易桓續假兩月獨
允回籍調理之請尤諸帥所未有者桓如無心則可桓而有心
一食一息其能忘

高厚生成乎比年以來杜門養疴一無所事自維鄙劣重承
帝眷遭病無術孱軀頽然補過之期遲速猶未可必感念所積
仰愧俯作有不能釋然者因彙錄所著以奏疏冠首雖寥寥無
足觀而

恩遇至隆酬答何在以之彰咎則有餘也同治甲子孟秋湘陰
李桓黼堂書於寶章齋

寶章齋類稿卷一目錄

奏疏一

湘陰李 桓黼堂

升授道員恭謝

天恩摺子

揀發江西道員請

訓摺子

兼署江西臬司恭謝

天恩摺子

兼署江西臬司恭謝

天恩摺子

寬免失守屬境處分恭謝

天恩摺子

兼署江西藩司恭謝

天恩摺子

兼署江西臬司恭謝

天恩摺子

署理江西藩司恭謝

天恩摺子

顛懇

聖懷節哀摺子

江西藩臬兩司遇缺提奏恭謝

天恩摺子

升授江西藩司暫署撫篆恭謝

天恩摺子

附奏委署藩臬兩司片子

咸豐十一年十二月分糧價雨雪情形摺子

附奏收捐監生銀兩片子

道員試用期滿察看堪勝繁缺摺子

知府試用期滿察看堪勝繁缺摺子

附奏法國使臣來江傳教片子

覆奏遵籌浙餉情形摺子

覆奏通籌五省會剿事宜敬陳管見摺子

附奏續解浙餉二萬兩片子

附奏續解京餉五萬兩片子

附奏王沐楚勇現紮撫州片子

升授道員恭謝

天恩摺子

奏爲恭謝

天恩仰祈

聖鑒事本月初九日吏部以臣遵

旨赴部帶領引

見奉

旨李桓著以道員用欽此竊臣楚南下士世受

國恩由廩生隨父李星沅前赴廣西咸豐元年四月臣父由

柳州力疾進駐武宣歿於軍營蒙

恩褒卹並

賞給臣祖母人蔭以資調養臣昏憤之餘捧讀

綸音感激

皇仁淪肌浹髓復蒙

命臣兄李概及臣均俟服闋後交部帶領引見臣與臣兄方恨

不能墨經從戎掃茲羣醜以申臣父未竟之志乃荷

聖主篤眷舊臣

賞延於世慚憤感泣莫可名言上年在籍捐助軍需

恩准以知府選用涓埃未効

獎叙已加茲復仰沐

殊恩以道員用在

皇上不次之擢原所以勉勳者而微臣非分之榮實無以安寢

饋臣惟有痛自策勵力矢慎勤冀清聲不墜乎家風庶弱

質長承夫

鈞造所有微臣感悚下忱謹繕摺叩謝

天恩伏乞

皇上聖鑒謹

奏

咸豐四年十二月 十一 日

揀發江西道員請

訓摺子

奏爲恭謝

天恩籲求

宸訓事本月十五日吏部以臣棟發江西道員帶領引

見奉

旨李桓著發往江西以道員差遣委用欽此竊臣湘江下土知

識庸愚由廩生在籍捐助軍餉保奏以知府雙月選用奉

旨允准嗣經吏部帶領引

見奉

旨著以道員用涓埃未報兢惕方深茲復渥荷

溫綸准予發往闕

命之下倍切悚惶伏念江西爲衝要之區道員有監司之責如

臣 構昧懼弗克勝惟有籲求

恩訓敬謹遵循遇有差委事宜矢慎矢勤以冀仰答

高厚鴻慈於萬一所有 微臣 感激下忱謹繕摺叩謝

天恩伏乞

皇上聖鑒謹

奏

咸豐五年二月 十七 日

兼署江西臬司恭謝

天恩摺子

奏爲恭報

徵臣

兼署臬司印務日期叩謝

天恩仰祈

聖鑒事竊

臣於本年正月三十日承准撫

臣

文俊行知以臬司

印務

奏明委

臣

兼署等因隨經前兼署按察使

臣

何其仁將印信

文卷移交前來

臣

當卽恭設香案望

闕叩頭祇領任事伏念

臣

湘南下士知識庸愚由廩生於咸

豐元年四月因

臣

父原任兩江總督李星沅督剿廣西逆

匪歿於武宣軍營仰蒙

皇上天恩篤眷舊臣

命臣服闋後由吏部帶領引見三年三月在籍捐助軍餉奉旨以知府雙月選用四年十二月遵

旨引

見蒙

恩以道員用復荷

召對一次五年二月奉

旨發往江西以道員差遣委用抵省後經前署撫臣陸元烺

奏委署理廣饒九南道篆嗣逆氛逼近省垣復經前署撫臣

奏委總理全城防務監司忝領戎備兼籌未効涓埃方深悚

惕茲復兼權臬篆撫躬彌切冰兢查臬司爲刑名總滙之
區江省適軍務殷繁之際提刑禁暴責任綦嚴如臣顛蒙
懼弗勝任惟有矢勤矢慎於一切事宜隨同撫臣認真辦
理以冀仰酬

聖主高厚鴻慈於萬一所有微臣兼署臬司印務日期理合恭
摺叩謝

天恩伏乞

皇上聖鑒謹

奏

咸豐六年二月初四日

兼署江西臬司恭謝

天恩摺子

奏爲恭報微臣兼署臬司印務日期叩謝

天恩仰祈

聖鑒事竊臣於本年十月初七日奉撫臣惲光宸行知以臬司

印務

奏明委臣兼署等因隨經升任按察使臣毓科將臬司印信
文卷移交前來臣當卽恭設香案望

闕叩頭祇領任事訖伏念臣南楚庸材毫無知識仰荷

天恩畀以糧儲重任頻年黽勉悚懼方深茲復臬事兼權拊躬

三
卷之二
三
倍滋兢惕查臬司責任專重明刑而江省情形尤嚴緝匪
現值籌防喫緊必須隨時隨地切實稽查臣惟有力矢慎
勤遇事整飭斷不敢以暫時兼理稍涉因循以期仰副

高厚生成於萬一所有微臣兼署臬篆日期理合恭摺叩謝

天恩伏祈

皇上聖鑒謹

奏

咸豐九年十月初七日

寬免失守屬境處分恭謝

天恩摺子

奏爲叩謝

天恩仰祈

聖鑒事竊臣接奉撫臣惲光宸行知部咨咸豐九年十月初六日內閣奉

上諭耆齡奏省城辦理防剿籌濟軍需各員請寬免處分擇尤保獎一摺江西自咸豐三年以來疊遭匪擾該司道府州等率屬防剿兼施辦理餉需軍械時歷數年茲當全境肅清所有該司道府州失守屬境處分准其功過相抵概予寬免等因欽此臣當卽恭設香案望

闕叩謝

天恩伏念臣以楚南下士奉

命揀發江西自五年八月到省疊經前任撫臣

奏委署理廣饒九南道並兼署臬司印務六年三月復蒙

恩旨特畀糧儲時值粵逆由楚犯江各屬多遭蹂躪所有省城

應辦防剿軍需各事宜臣雖隨同各前任撫臣竭力經理

而涓埃未報負罪滋深茲以全省肅清所有失守屬境處

一乃荷

鴻施逾格概予寬免聞

命之下悚感曷勝臣惟有矢慎矢勤力求整頓謹省愆於既往

益圖報於將來以冀仰酬

高厚生成於萬一所有微臣感激下忱謹繕摺叩謝

天恩伏乞

皇上聖鑒謹

奏

咸豐九年十一月十九日

兼署江西藩司恭謝

天恩摺子

奏爲恭報微臣暫行兼署藩篆日期叩謝

天恩仰祈

聖鑒事竊臣於本年三月初一日承准撫臣惲光宸行知以藩

司印務

奏明委臣暫行兼署等因當經布政使臣毓科將藩司印信
文卷移交前來臣當卽恭設香案望

闕叩頭祇領任事伏念臣南楚庸材受

恩深重糧儲供職隕越滋虞臬事兼權益深悚惕茲復暫兼藩
篆拊躬彌切冰兢惟有勉竭駑駘將一切應辦事宜認真

經理以冀仰答

高厚生成於萬一所有微臣暫兼藩篆日期理合繕摺恭謝

天恩伏祈

皇上聖鑒謹